

шаеть. Свѣтитъ бо ся Олеон, яко солнце, святыхъ чины съ Христъмъ на собѣ имѣя. И⁷⁰ за оны громы и мълнія пророчѣстии слышатся гласи, яже радостно ликѣвуютъ, глаголюще: Възнесися силою твоею, боже! Поем и въспоем⁷¹ силы твоя!⁷² Ангели вся поушаютъ, глаголюще: Въскликнѣте богу вся земля! Пойте⁷³ же⁷⁴ имени его! Патриарси начинаютъ пѣснь: Се бог нашъ възносится, смирив обоя въ едино и⁷⁵ свѣкупив⁷⁶ земныя с небесными! Преподобнии възглашаютъ: Възнесися на небеса, боже! По всей земли слава твоя! Праведници велегласуютъ: Възнесися, судая земли, (л. 35) да и мы в свѣтѣ лица твоего, господи, поидем! Давидъ же, акы старейшина ликов,⁷⁷ уяшняя пѣсенныя гласы, глаголетъ: Все языци, всплещѣте руками, въскликнѣте богу гласомъ радости, да възидеть бог в⁷⁸ въскликновении,⁷⁹ господь⁸⁰ в гласѣ трубнѣ!⁸¹ Всѣхъ же гласы окончѣваетъ Павъл, глаголя: Кто възиде на небеса Христа съвести?⁸² Кто ли сълѣзе в бездну Христа възвести?⁸³ Нъ тѣ⁸⁴ есть съшѣдый⁸⁵ и пакуы въшѣдый⁸⁶ прѣвыше всѣхъ небес.⁸⁷ Ту же бѣ и языцкая церкви, уневѣстившися Христу. И⁸⁸ того ныня възносима на небеса зрящи скърбити и стонющи от сердца с Соломономъ въпить: Уязвена есмь аз⁸⁹ любовию твоею, женише небесный! Не трудихся в слѣд тебе и дни человекъ⁹⁰ не възлюбих. И акы проводящи любимаго въпить: Да цѣлуеть мя от лъбвзання уст его! С нею же и⁹¹ апостольскый лик зряще на своего учителя и господя,⁹² акы чада церковная, жалостно глаголаху: Владыко, не о(л. 35 об.)стави нас сир, их же волею възлюбил еси яко милостив, нъ посъли, яко же обѣщал еси нам, твой пресвятый дух. К ним же отвѣща Исус, милостию утѣшая: Сядѣте в Иерусалимѣ! Аз бо въскожу к отцю моему и⁹³ богу вашему и посълю, яко⁹⁴ обѣщахъ вам, много параклита, духа моего и отча. И въздвиг руцѣ,⁹⁵ благослови я. И се рек, възношашеся⁹⁶ на небо, и ти поклонишася ему, и облак свѣтълъ подъят⁹⁷ и⁹⁸ от очию их: Възиде бо — рече — на хѣровим и летѣ на крилу вѣтрюню. Имѣяшеть же с собою господь и душа человекъскы, яже възнесе на небеса в дар своему отцю, их же в горнимъ градѣ⁹⁹ усели. Си же от Иеремия разумѣи¹⁰⁰ глаголюща¹⁰¹ душа, яже враг в прѣисподняя съведе, — тыя же¹⁰² господь¹⁰³ на небеса възведе рек: Въстаните, възидем в¹⁰⁴ вышний Сион, се же есть небесный Ерусалим!¹⁰⁵ Прѣди же течаху ангельскыя силы¹⁰⁶ страхомъ и радости(л. 36)ю, отвѣрсти хотяще врата небесныя. Нъ вышнийи вратыни възбраняху, въпиюще: Си врата господия, да никто же земныхъ суду проходить; нам бо положи бог, яже не мимо идуть. Ныня же дивимся,¹⁰⁷ зряще человекъ на хѣровимствѣмъ престолѣ сѣдяща и прѣже серафим тѣщащася врата си проити. Ангели же повѣдаху сына божия силу и сан человекъскимъ обложена телесемъ, и не прѣрѣковати божии воли, вся мудростию творящому: Съниде бо рѣша¹⁰⁸ — на землю, никому же не¹⁰⁹ човѣшю, и се рабий нося образъ възходитъ. Они же рѣша:¹¹⁰ Не будемъ покорн, ¹¹¹ аще не услышимъ слова божия. Тѣгда възгласи Христос: Отвѣрзѣте мнѣ врата правды, и¹¹² въшѣд в ня възвѣщю отцю моему, яже на земли сѣдѣях и пострадах. И познавъше глас господень вся силы небесныя, падъше поклонишася, глаголюще:

⁷⁰ Нет У. ^{71—72} славу твою ЧТС. ⁷³ Доб. и воспойте ЧТС. ⁷⁴ Нет С.
⁷⁵ Нет У. ⁷⁶ Доб. обое ЧТС. ⁷⁷ ликом ЧТС. ⁷⁸ Нет УЧТСП. ⁷⁹ вос-
кликновениемъ ЧТС. ⁸⁰ господь УЧТСП; в ркп. и господь. ⁸¹ Ср. Пс., XLVI,
2, 6. ^{82—83} Нет ЧТС. ^{83—84} Кто П. ^{85—86} Нет С. ⁸⁷ Ср. Римл., X,
6—7; Ефес., IV, 10. ⁸⁸ Нет У. ⁸⁹ Нет ЧТС. ⁹⁰ покоя ЧТС. ⁹¹ Нет Т.
⁹² бога У. ⁹³ Доб. к П. ⁹⁴ Доб. же Т. ⁹⁵ Доб. свои и Т; доб. и П.
⁹⁶ Нет У. ⁹⁷ поят ЧС. ⁹⁸ Нет ЧС. ⁹⁹ Иерусалиме ЧТС. ¹⁰⁰ разумѣя У.
¹⁰¹ пишу У; доб. и Т. ¹⁰² Нет ЧТ. ¹⁰³ Нет П. ¹⁰⁴ на ТС. ¹⁰⁵ Ср. Ие-
ремия, XXXI, 6. ¹⁰⁶ Доб. с Т. ¹⁰⁷ видим С. ¹⁰⁸ Нет У. ¹⁰⁹ Нет У.
¹¹⁰ рекоша У. ¹¹¹ покорни У; покориви ЧТС. ¹¹² Нет У.